

Script of Morning Gojri News Bulletin 27 November 2025 at 1015Hrs

مارننگ گو جری نیوز بلیٹن مورخہ 27 نومبر 2025

یوہ آکا شوانی جموں ہے محبوب سلطانی تیں خبر سنو۔

LG Yuvatarang

لیفٹنٹ گورنر منوج سنہا نے کہیو ہے جے نوجوان نسل نانہ انقلابی نویں ایجاد کرنی چاہیے۔ انہاں نے نوجواناں نانہ کہیو جے محنت تے لگن سنگ کم کریں، تا نجے اپنی تقدیر بدلن غے نال نال دنیا غا مستقبل نانہ وی بہتر کیو جا سکے۔ انہاں نے اس گل غو اظہار کلسٹر یونیورسٹی جموں غی طرفوں منعقد کیو گیو یوا ترنگ ناں غو ثقافتی تے ادبی پروگرام غی اختتامی تقریب غے دوران کیو۔ ایل جی موصوف نے نوجواناں نانہ کہیو ہے جے وے ترقی یافتہ معاشرہ نانہ بنان واسطے نویں راہ پیدا کریں۔ اُن غو مزید کہیو تھو جے نوجواناں غی تازی نظریات تے تخلیقی صلاحیتاں توں لگ رہیو ہے جے روشن مستقبل بنان واسطے بڑی قوت ہے۔

LG Aerosal

لیفٹنٹ گورنر منوج سنہا نے پچھلے تیہاڑے سینٹرل یونیورسٹی جموں مانہ تیجی ایریسول ونٹر اسکول مانہ شرکت کی۔ اس تقریب سنگ خطاب کرتاں واں لیفٹنٹ گورنر نے کہیو جے سائنسی برادری غے سامنے تے طویل مدتی پیشنگوئی کی جا سکے۔ انہاں نے تمام شراکتداراں نانہ کہیو جے وے نوی مشین لرننگ ماڈل تیا رکن، حقیقی ویلا غا ڈیٹا نانہ بہتر بنان تے حکام تے عوام نانہ ویلے سرخبردار کرن واسطے مل غے کم کرنو چاہیے۔ ایل جی موصوف نے سائنسداناں تے مصنوعی ذہانت غا ماہرین نانہ کہیو جے وے اک صاف، محفوظ تے بہتر مستقبل واسطے اکٹھا ہو غے کم کریں۔

CM Poonch Visit

وزیر اعلیٰ عمر عبداللہ نے پچھلے تیہاڑے ضلع پونچھ غی ترقیاتی صورتحال غو جائزو لیو۔ اک اعلیٰ سطحی میٹنگ غی صدارت کرتاں واں وزیر اعلیٰ نے اس گل ور زور پایو جے مختص کیا گیا فنڈز غو ویلے سر استعمال تے متھی وی مدت غی سخت پابندی ضروری ہے، تا نجے نتیجہ زمین ور نظر آوے۔ انہاں نے تمام محکماں نانہ ہدایت جاری کرتاں واں کہیو جے ترقیاتی منصوباں نانہ جلدی پورو کیو جائے تا نجے ویلے سر عام لوکاں تک فائدو پچایو جا سکے۔ اس اجلاس مانہ اُن غے نال وزیر سکینہ اتو، جا وید رانا، جا وید ڈار تے ستیش شرما سمیت دیگر نے شرکت کی۔ اس تیں بعد وزیر اعلیٰ نے پونچھ ضلع واسطے 13 اشاریہ 54 کروڑ روپیاں غا 5 اہم ترقیاتی منصوباں غو آن لائن افتتاح کیو، جن مانہ مینڈھر اندر جدید کھاد بنان غو یونٹ تے حویلی اور سرنکوٹ مانہ کئی پانی غی فراہمی غا منصوبہ شامل ہیں۔

Dy CM Projects

نائب وزیر اعلیٰ سریندر چودھری نے پچھلے تہہاڑے کہیو ہے جے حکومت اپنا وعدہ پورا کر رہی ہے تے جموں کشمیر مانہ تمام شروع کیا گیا تے لما عرصہ توں رُکيا وا منصوباں نانہ پورو کرن واسطے تیزی سنگ کم جاری ہے ۔ انہاں نے اس گل غو اظہا ر سرینگر غا خانیار تے حضرت بل علاقہ غا دورہ غے دوران کیو۔ اس دوران انہاں نے بکھ بکھ ترقیاتی کماں غو جائزو وی لیو۔ اُن غو کہنو تھو جے حکومت اپنا سارہ وعدہ پورا کرے گی تے جموں کشمیر مانہ جاری تمام منصوباں تے لما عرصہ توں رُکيا واہ کماں نانہ تا ولین پورو کیو جائے گو ۔

Modern Looms

بتھ کھڈی تے دستکاری محکمہ کشمیر نے اپنا قالین بُنن گا تربیتی مرکز واسطے کیپکس 26/2025 غے تحت پہلا مرحلہ مانہ 25 جدید سٹیل لومز یعنی قالین بُنن غی مشیناں نانہ خریدیو ہے ۔ اس تیں علاوہ کپڑا سازی غی وزارت نے مرکزی اُون ترقیات بورڈ غے سکیم وول پروسسنگ غے تحت اس سال 100 مزید قالین بُنن آلی مشیناں نانہ منظوری دتی ہے جس سنگ بُنن آلاں نانہ خاصو فائدو پُجے گو ۔ محکمہ غا ترجمان نے اپنا اک بیان مانہ دسیو ہے جے نوی قالین بُنن آلی مشیناں نانہ اس طرح تیار کیو گیو ہے جن مانہ تربیت حاصل کرن آلاں واسطے بیسن غی جگہ تے ٹنگ رکھن غی جگہ غو خاص خیال رکھیو گیو ہے تانجے صحت بارے مسائل پیدا نہ ویں۔

National Milk Day

مال چوکھر بارے محکمہ جموں نے پچھلے تہہاڑے دودھ بارے قومی تہہاڑہ غا موقع ور اک معلوماتی اجلاس منعقد کیو، یوہ تہہاڑو ہر سال ڈاکٹر ورگیس کو رین جنہاں نے بھارت مانہ سفید انقلاب سنگ وی جانیو جائے غی یاد مانہ منایو جائے۔ اس اجلاس مانہ ڈیری ترقی، کساناں نانہ مضبوط بنان تے دیہی معیشت مانہ ڈیری غا کردار ور وی لو پائی گئی۔ اس تقریب مانہ جموں کشمیر ڈیری ترقیات غا مشن ڈائریکٹر سریندر سنگھ بالی نے مہمان خصوصی غا طور ور شرکت کی۔

TenniKoit C-Ship

42 وی جو ننیر قومی ٹینی کوئٹ چمپئن شپ گرین فیلڈ میدان گا ندھی نگر مانہ شروع ہو گئی ہے ۔ 5 تہہاڑاں توڑی جاری رہج آلی اس تقریب مانہ بھارت غی ٹینی کوئٹ فیڈریشن نے جموں کشمیر ٹینی کوئٹ ایسوسی ایشن غے نال مل غے منعقد کیو ہے ۔ اس تقریب مانہ تقریباً 550 کھڈاری تے افسر 24 ریاستاں تے مرکزی زیر انتظام علاقہ توں شرکت کر رہیا ہیں ، جس سنگ جموں مانہ ہون آلی حالیہ بہراں غی سب توں بڑی قومی کھیڈ سرگرمیاں وچوں اک بن گئی ہے ۔ اس دوران اپنا افتتاحی خطاب مانہ نوجوان خدمات تے کھیڈاں بارے محکمہ غی کمشنر سیکریٹری یشا مُدگل نے کہیو جے جموں کشمیر غو اک بدھتو وہ درجو اس نانہ قومی کھیڈ تقریب غو اہم مرکز بنا رہیو ہے ۔

Mushroom Cultivation

مشروم غی کاشت اُدھم پور مانہ لوکاں غی زندگیاں مانہ بڑی تبدیلی لیا رہی ہے ، تے بے روزگار نوجواناں واسطے کمائی غو منافع بخش تے قابل اعتماد ذریعو بنتو جا

ربو بے اور علاقہ مانہ ذریعہ انقلاب لیان مانہ اہم کردار وی ادا کر رہی ہے۔ صحیح تربیت سے رہنمائی سنگ مشروم غی کاشت پورا سال کی جاسکے، جس سنگ کسانان نانہ لگاتار آمدنی حاصل ہوتی رہ۔ اس ضمن مانہ ادھم پور غا ٹکری علاقہ توں تعلق رکھن آلا جو گیندر ہور جہیڑا مشروم غی کاشت کریں ایچ اے ڈی پی پروگرام غے تحت قائم مشروم یونٹ غے ذریعے اپنی زندگی مانہ نمایاں تبدیلی دیکھی ہے۔

اس غے نال ہی خبراں غو یوہ بلیٹن ختم ہوو۔